

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Коми Республикалөн Каналан Сöветса депутатъяс И.А. Богдановлөн, Е.В. Дьячковалөн да О.А. Михайловлөн запрос серти Коми Республикалөн Каналан Сöветса Уджаланартлөн, кутшöмöс примитöма Коми Республикаса Каналан Сöветлөн 2002 во öшым тöлысь 18 лунся II-10/98 №-а Шуöмөн, 111 статьяса 1 юкөнлысь Оланподувлы лöсялöмсö прöверитöм йылысь делö серти Коми Республикаса Оланподув Ёрдлөн шуöм

Сыктывкар

2021 вося рака тöлысь 18 лун

Коми Республикаса Оланподув Ёрд, кöни веськöдлысьнас вöли В.В. Кретов, ёрдысьяснас вöлины Н.В. Боковикова, А.В. Проскуров,

кöни участвуйтисны О.А. Михайлов – Коми Республикалөн Каналан Сöветса депутат, А.В. Никулин – Коми Республикалөн Каналан Сöветса депутат Е.В. Дьячковаöс петкöдлысь, В.В. Воробьев – Коми Республикалөн Каналан Сöветса депутат И.А. Богдановöс петкöдлысь, Н.С. Новикова – Коми Республикаса Каналан Сöветлөн аппаратысь Инöда веськöдланінын оланподув оланпастэчас да канму лöсьöдан юкөнса консультант-эксперт,

Коми Республикаса Оланподувлөн 96 статьяса 2 юкөнö, «Коми Республикаса Оланподув Ёрд йылысь» Коми Республикаса Оланпасын 3 статьялөн 1 юкөнса 1 пунктö, 78, 79 да 80 статьясö кутчысьöмөн,

видлаліс ёрдлөн восьса заседание дырйи Коми Республикалөн Каналан Сöветса депутатъяс Илья Алексеевич Богдановлөн, Екатерина Валериановна Дьячковалөн да Олег Алексеевич Михайловлөн запрос серти Коми Республикалөн Каналан Сöветса Уджаланартлөн, кутшöмöс примитöма Коми Республикаса Каналан Сöветлөн 2002 во öшым тöлысь 18 лунся II-10/98 №-а Шуöмөн, 111 статьяса 1 юкөнлысь Оланподувлы

лӧсялӧмсӧ видлалӧм йылысь делӧ.

Тайӧ делӧсӧ видлалан помкаӧн лоис Коми Республикалӧн Каналан Сӧветса депутатъяс И.А. Богдановлӧн, Е.В. Дьячковалӧн да О.А. Михайловлӧн запрос, а видлалан подулӧн – эрдӧдӧм гӧгӧрвотӧмлун сы серти, лӧсялӧ-ӧ Коми Республикаса Оланподувлы Уджаланартлӧн вылынджык индӧм нормаыс.

Ёрдысь В.В. Кретовлысь докладсӧ, О.А. Михайловлысь, шыӧдчысьяс И.А. Богдановӧс да Е.В. Дьяковаӧс петкӧдлысьяслысь, Коми Республикаса Каналан Сӧветӧс петкӧдлысьлысь висътасьӧмсӧ кывзӧм бӧрын, сетӧм документъяссӧ да мукӧд материалсӧ туялӧм бӧрын Коми Республикаса Оланподув Ёрд

п а с ь и с:

Коми Республикалӧн Каналан Сӧветса Уджаланартлӧн, кутшӧмӧс примитӧма Коми Республикаса Каналан Сӧветлӧн 2002 во ӧшым тӧлысь 18 лунся II-10/98 №-а Шуӧмӧн, 111 статьяса 1 юкӧн серти Россия Федерацияса Оланподув Ёрдӧ запросӧн шыӧдчӧм йылысь вӧзйӧмъяссӧ вермӧны пыртны Коми Республикаса Каналан Сӧветлӧн комитетъяс, Коми Республикаса Юралысь.

Коми Республикалӧн Каналан Сӧветса депутатъяс И.А. Богдановлӧн, Е.В. Дьячковалӧн да О.А. Михайловлӧн запросын пунктӧма вылынджык индӧм нормалӧн Оланподувлы лӧсявтӧмлун йылысь юалӧм, сы вӧсна мый Коми Республикаса Оланподувлӧн 75 статьялысь корӧмъяссӧ торкалӧмӧн тайӧ Уджаланартлӧн 111 статьяса 1 юкӧн подулавтӧг дзескӧдӧ Коми Республикалӧн Каналан Сӧветса депутатъяслысь оланпас вӧзьян инӧдсӧ, кытчӧ пырӧ и депутатъяслӧн Россия Федерацияса Оланподув Ёрдӧ лӧсялана запросӧн шыӧдчӧм йылысь шуӧмъяслысь балаяс Каналан Сӧветӧ видлалӧм вылӧ асшӧра пыртӧм серти тырвыйӧ инӧд.

Татшӧм ногӧн, тайӧ делӧ серти видлаланторйӧн лоӧ Коми

Республикалөн Каналан Сöветса Уджаланартлөн, кутшöмöс примитöма Коми Республикаса Каналан Сöветлөн 2002 во öшым тöлысь 18 лунся П-10/98 №-а Шуöмөн, 111 статьяса 1 юкөн, а буретш Коми Республикаса Оланподувлы тайö нормалысь лöсялöмсö прöверитöм, мый серти Коми Республика ачыс урчитö республикаса канму власьт органьяслысь системасö оланподув тэчаслөн мыджöдьяс, Россия Федерацияын бöрйöм да олöмö пöртысь канму власьт органьяс котыртан öтувья принципьяс да Коми Республикаса оланпастэчас (66 статья) серти, а сідзжö гарантируйтö Коми Республикаын пыр уджалан медвылыс да бöрйöм да оланпас пыртысь дзик öти власьт органлысь эмлун (71 статья) да тайö органа депутатьяслысь оланпас вöзьян инöд (75 статья).

Сідз, Россия Федерацияса Оланподувлөн 72 статьяса 1 юкөнлөн «н» пункт да сылы лöсялысь Коми Республикаса Оланподувлөн 64 статьяса 1 юкөнлөн «н» пункт серти канму власьт органьяслысь система котыртан öтувья принципьяс урчитöм пырö Россия Федерациялөн да Коми Республикалөн öтвыв веськöдлöм улö, мый Россия Федерацияса Оланподувлөн 77 статьяса положениеяс, «Россия Федерацияса субъектьяслөн оланпас пыртысь (бöрйöм) да олöмö пöртысь канму власьт органьяс котыртан öтувья принципьяс йылысь» 1999 во йирым тöлысь 6 лунся 184-ФЗ №-а Федеральнöй оланпаслөн водзкыв да 1 да 2 статьяяс, Коми Республикаса Оланподувлөн 66 статья серти, торйөн нин, петкöдлö Коми Республикаөн ассьыс оланпас пыртан (бöрьян) канму власьт органьяслысь системасö асшöра урчитöм Россия Федерацияса оланподув тэчаслөн мыджöдьяс да тайö органьяссö котыртан öтувья принципьяс серти.

Вылынджык вайöдöм да Россия Федерацияса Оланподулөн, Коми Республикаса Оланподулөн подулалöм инöда предписаниессö водзö сöвмöдöма да стöчмöдöма гаралöм «Россия Федерацияса субъектьяслөн оланпас пыртысь (бöрйöм) да олöмö пöртысь канму власьт органьяс котыртан öтувья принципьяс йылысь» Федеральнöй оланпаслөн

нормаясын, а сідзжө «Коми Республикаса Каналан Сöвет йылысь» 2010 во вöльгым тöлысь 17 лунся 129-РЗ №-а, «Коми Республикалöн Каналан Сöветса депутатлöн статус йылысь» 2006 во öшым тöлысь 27 лунся 140-РЗ №-а Коми Республикаса Оланпасьясын, кутшöмьяс урчитöны, мый Коми Республикаса оланпас пыртысь (бöрйöм) канму власьт орган (Коми Республикаса Каналан Сöвет) лоö республикаса пыр уджалан медвылыс да оланпас пыртысь дзик öти власьт органöн, кодöс артмöдöны быдöнлы öткодь да веськыд бöрйысян инöд подув вылын бöрйöм да оланпас вöзьян инöд кутысь депутатьяс, кодлы сетöма ас уджмогьяс, сы лыдын и Уджаланарт примитöм серти, мый урчитö Каналан Сöветлысь, сылöн органьяслысь да чина йöзлысь уджалан пöрадоксö, а сідзжö депутатьясöн оланпас вöзьян инöд збыльмöдан правилöяс.

Та дырйи Коми Республикаса Оланподувлöн 72 да 75 статьясса, «Коми Республикаса Каналан Сöвет йылысь» Коми Республикаса Оланпаслöн 14 статьяса, Коми Республикалöн Каналан Сöветса Уджаланартлöн 15 да 16 статьясса положениеяс серти Каналан Сöветын быть колана пöрадокын артмöдöны комитетьяс депутатьяс лыдысь, кодьяслöн эм оланпас вöзьян инöд, кодьяс лоöны Каналан Сöветлы отчет сетысь органьясöн да дасьтöны, водзвыв видлалöны инöда актьяс да мукöд юалöм, кутшöмьясöс колö видлавны Каналан Сöветлы да комитетьяслы.

Коми Республикалöн Каналан Сöветса Уджаланартлöн 17 статья серти быд депутатлы быть колö пырны комитетьясысь öтиö, кытчö тайö Уджаланартлöн 66, 67 да 68 статьяяс да Коми Республикалöн Каналан Сöветса комитетьяс йылысь положение серти бöрья помас и мöдöдöны оланпас вöзьян инöда субъектьясöн пыртöм оланпас балаяс, оланпастэчасö вöзйöмьяс, оланпас балаяс дорö поправкаяс, Каналан Сöветлöн шуöм балаяс, сы лыдын Коми Республикалысь оланпасьяс гөгөрвоöдöм йылысь найöс быд боксянь дасьтöм да водзвыв видлалöм могысь коллегиальносьт принципьяс вылын да оланпас вöзйысь субъектлысь да мукöд уполномочитöм органлысь да йöзлысь видзöдлассö тöд вылö босьтöмөн.

Татшөм ногөн, комитетгяс лоёны оланпас лөсьодан уджлөн колана да быть лоана юкөнөн да Коми Республикаса Оланподувлөн 75 статья, Коми Республикаса Каналан Сөветлөн Уджаланарт да Комитетгяс йылысь положение серти налы сетөма паськыд уджмоггяс абу сөмын оланпас балаяс, оланпастэчас вөзйөмгяс, оланпас балаяс дорö поправкаяс, Коми Республикаса Каналан Сөветлөн шуөм балаяс дасьтан да водзвыв видлалан да Каналан Сөветса заседаниеяслысь сёрнитантор лөсьодан юкөннын, но и кызди оланпас вөзьян инöда субъектгяс вермөны Уджаланартөн урчитөм пöрадокын асшöра сетны Каналан Сөветлөн сессия вылын видлалөм вылö вылынджык индөм юалөмгяссысь кöть кутшөмöс.

Тайö юалөмгяссысь öтиөн лоö комитетгяслөн, а сідзжö Коми Республикаса Юралысьлөн торья инöд, кутшөмöс урчитöма Уджаланартлөн 111 статьяса 1 юкөнөн, Россия Федерацияса Оланподув Ёрдö запросөн шыöдчөм йылысь Каналан Сөветö вөзйөмгяс пыртөм вылö «Россия Федерацияса Оланподув Ёрд йылысь» Федеральнöй оланподув оланпаслөн 3 да 84 статьяяс пöрадокын.

Та дырйи тайö оланпаслөн индöдыс подуласьö «Коми Республикаса Каналан Сөвет йылысь» Коми Республикаса Оланпаслөн 14 статьяөн, Уджаланартөн, Комитетгяс йылысь положениеөн урчитөм комитетгяслөн уджмоггяс вылö, сы лыдын и кодгяс оз пырны оланпас вөзьян понятиеясö, да оз дзескöд аснас депутатгяслысь оланпас вөзьян инöдсö сэк, кор комитетгяс веськыда пыртöны Россия Федерацияса Оланподув Ёрдö запросөн Каналан Сөветлөн шыöдчөм йылысь вөзйөмгяс, сы вöсна мый быд депутат сэк, кор сійö лыддьö кутшөм-либö оланпас либö мöд нормативнöй инöда акт Оланподувлы лöсвятөмөн, вермö урчитөм пöрадокын шыöдчыны лöсялана комитетö да аслас пырöдчөмөн вөзйыны туявны, дасьтыны да водзвыв видлавны тайö органөн индөм юалөмсö коллегиальность принципгяс подув вылын да унджык йöзлысь видзöдлассö тöд вылын кутөмөн.

Сідзжö колö пасйыны, мый Россия Федерацияса Оланподув Ёрдö

запросён шыёдчём йылысь вöзйöмьяссö оз позь тырвыйö донъявны кызди депутатясён да комитетясён оланпас вöзьян инöд збыльмöдöм, сы вöсна мый тайö водзмöстчём улын гөгöрвосьö оланпас вöзьян инöда субъектясён оланпас балаяс, на дорö поправкаяс, оланпас вöзйöмьяс да мукöд актлысь балаяс, кодьяслөн эм нормативнöй сюрös, пыртöм.

Оланподув Ёрдö запросён шыёдчём серти вöзйöмьясыс оз нуны нормативностьлысь признакьяс, но Каналан Сöветлөн Уджаланарт нормаяслөн öтувья сюрös вылö мыджсьёмөн найöс позьö лыддыны кызди депутатяслөн тайö юалöмьяссö решитöм вылö коллегиальнöй орган (комитет) пыр сетан да збыльмöдан инöд.

Татшöм лоёмторьяс дырйи колö шуны, мый Коми Республикалөн Каналан Сöветса Уджаланартлөн, кутшöмöс примитöма Коми Республикаса Каналан Сöветлөн 2002 во öшым тöлысь 18 лунся II-10/98 №-а Шуöмөн, 111 статьяса 1 юкөн оз мун паныд Коми Республикаса Оланподувлы, сылөн 66, 71 да 75 статьяслы, сы вöсна мый аслас оланподув-инöда вежöртас серти уджалысь инöда ладмöдöмлөн системаын тайö нормаыс тырвыйö лöсялö Коми Республикалөн Каналан Сöветса депутатясён налысь оланпас вöзьян оланподув инöдсö збыльмöд серти урчитöм пöрадоклы да оз падмöд налысь веськыда участвуйтöмсö юалöмьяс решитöмын, кутшöмьяс йитчöмаöсь Россия Федерацияса Оланподув Ёрдö запросён шыёдчём йылысь вöзйöмьяс пыртöмкöд.

Гижöм вылö подуласьёмөн, Коми Республикаса Оланподувлөн 96 статьяса 2 юкөнö, «Коми Республикаса Оланподув Ёрд йылысь» Коми Республикаса Оланпаслөн 66 статьяса 1 юкөнö, 68 статьяса 1, 2, 3 да 4 юкөньясö, 69, 80 да 81 статьясö кутчысьёмөн, Коми Республикаса Оланподув Ёрд

ш у и с:

1. Лыддыны Коми Республикалөн Каналан Сöветса Уджаланартлысь, кутшöмöс примитöма Коми Республикаса Каналан Сöветлөн 2002 во öшым тöлысь 18 лунся II-10/98 №-а шуöмөн, 111 статьяса

1 юкӧнсӧ Коми Республикаса Оланподувлы, сьлӧн 66, 71 да 75 статьяслы лӧсяланаӧн.

2. «Коми Республикаса Оланподув Ёрд йылысь» Коми Республикаса Оланпаслӧн 73 статья серти тайӧ Шуӧмыс лоӧ бӧрьяӧн, сійӧс оз позь обжалуйтны, дзик пыр вынсялӧ сійӧс йӧзӧдӧм бӧрын, уджалӧ веськыда да сійӧс оз эскӧдны мукӧд органӧн да чина йӧзӧн.

3. «Коми Республикаса Оланподув Ёрд йылысь» Коми Республикаса Оланпаслӧн 72 статья серти тайӧ Шуӧмсӧ дзик пыр колӧ официальной публикуйтны «Коми Республикаса канму власьт органьяслӧн индӧд-тшӧктӧмьяс» журналын да йӧзӧдны «Ӧтувез» юӧрган да коммуникация везьын Коми Республикалӧн официальной сайтын «Коми Республикаса канму власьт органьясӧн примитӧм инӧда актьяс, мукӧд официальной юӧр лыддьӧг» сетевой изданиеын (<http://law.rkomi.ru>).

Коми Республикаса Оланподув Ёрд